

Date – 26/06/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES ( EVENING )

1. Khawvel puma Ruihhlo hman Khawloh leh Tawlhruk Dona Ni "International Day Against Drug Abuse and Illicit Trafficking, 2025" pualin Mizoram hmun hrang hrangah hun hman a ni.
2. Lungleiah NH-54 kawng dunga Green Mizoram Day puala thingtiak phunte zingah zaa 58 chauh an nung.
3. Vawiina Sanghai Cooperation Organistion-a tel ram Defence Minister-te thutkhawm a an thurel chu Union Defence Minister Rajnath Singh chuan a pawm ve duh lo.
4. China-a ruahsur nasa chuan Guizhou province-ah chhiatna nasa tak a thlen.

<><><>

INTN'L DAY AGAINST DRUGS ABUSE & ILLICIT TRAFFICKING 2025

Khawvel puma Ruihhlo hman Khawloh leh Tawlhruk Dona Ni "International Day Against Drug Abuse and Illicit Trafficking, 2025" pualin Mizoram hmun hrang hrangah hun hman a ni.

He ni pual hian waviin khan Social Welfare Minister Pi Lalrinpuii chuan Synod Revival Camping Centre, Neihbawih ah hun a hman pui a, Ruihhlo thatlohna hrang hrang te leh a nghawng pawl dan inzirtir a ni.

Kan corr report lo ngaithla ang.

*Neihbawi-a Synod Revival Camping Centre ah Social Welfare, Women and Child Development Minister Pi Lalrinpuii leh Excise and Narcotics Department Minister Pu Lalnghinglova Hmar ten 'International Day Against Drug Abuse & Illicit Trafficking 2025' hun an hmanpui a,*

*Pi Lalrinpuii chuan ruihhlo tur nat zia leh ruihhlo avanga mipa an kiam chak chu veiawm a tih thu sawiin, ruihhlo ngaih chu natna tihdam theih anih avangin Hulhliap Short Stay Centre-a mithiamte enkawlina hnuaiia ruihhlo ngaite awmna tur siam a ni chu lawmawm a tih thu a sawi a. Ruihhlo ngai Centre-a awmte chu insiamthat nana hmang tura chahin, ruihhlo bawih atanga zalenna famkim an chan ngei theih nan duhsakna a hlan a ni.*

*Pu Lalnghinglova Hmar chuan sawrkar, kohhran leh tlawmngai pawlte tanhona zara Hulhliap Short Stay Centre siam a ni chu lawmawm a tih thu sawiin, Centre chu insiamthat nana hmang tura fuihin, ruihhlo la ti ngai lote pawh tih chhin tum lo turin a chah a. Thusawitu dang Pu Lalmuanpuia Punte, MLA, Adviser to CM chuan ruihhlo ngai enkawlina dawng mekte chu beidawng mai lova ruihhlo laka tal chhuaka that chhuah tum ngei turin a chah a, duhsakna a hlan nghal bawh.*

Excise & Narcotics Department chuan waviin khan Muallungthu ah Ruihhlo an man sa cheng vbc 20, nuai 24, sing 7, sang 7,472.33 man an hal ral a, ruihhlo an halral zingah hian Heroin kg 25, Ganja kg 202, Methamphetamine kg 32, Crystal Meth kg 49 leh damdawi ruihtheih chi thahnem tak a tel a ni.

Lunglei ah pawh tukin khan he ni pual hian Branch YMA ten kawngzawhin Old Tennis Court-ah an in tawh khawm a, hetah hian Lunglei DC Pi Navneet Maan chuan inkhawm kaihruiin Police SP leh E&N Deptt Asst.Commissioner ten hun an hmang a, Drugs do nan a intihsiakna hrang hrang lawmman te

sem a ni. Hemi hnu hian Police ten Heroin an man tawh sa Gram 316.58, cheng vbch 8, sing 78,850 man hu chu an halral a ni.

Excise Commissioner Pu Z. Lalhmangaiha chuan Akashvani News nen an inkawmna ah Mizoramah ruihhlo a hluar chhan ber chu state thenawma Golden Triangle atanga Mizorama awlsam taka ruihhlo a luh vang a ni a ti a, Kohhran, sorkar leh NGO chuan ruihhlo do turin theihtawp an chhuah tih sawiin mipuite tanrual a ngaih thu a sawi a, Ruihhlo do kawngah tha thlah a nih chuan Mizoram dinhmun a thim hle dawn tih a sawi bawk.

International Day against Drug Abuse & Illicit Trafficking ah hian Mizoram Police CID Crime leh Aizawl DEF ten Ruihhlo an man, cheng vbc 13, nuai 79, sing 7, sang 9, 220 man chu vawiin khan Zoram Medical College & Hospital, Falkawnah incinerator hmangin an halral a. Ruihhlo an halral te hi kg 118 vel a ni.

Ruihhlo halralna hun hi Pu Dingluaia, DIG (CID) in a hmanpui a, Mizoram Police te chu ruihhlo dona kawnga tan la zel turin a fuih a, Ruihhlo Do chu Mizoram Police tana hna pawimawh berte zing a mi a nih thu a sawi.

International Day Against Drugs Abuse and Illicit Trafficking ah hian Champhai District Drugs Disposal Committee chuan Champhai District Police te ruihhlo man sa, vbc 117 leh nuai 34 hu halral a ni.

Ruihhlo halral takte hi Champhai District Police ten June, 2024 atanga April, 2025 inkara hmung hrang hrang a ruihhlo an man khawm a ni a. Ruihhlo halral takte hi Champhai District Police ten ND&PS Act hnuaiah case 121 ziahluh te an ni.

Tukin khan Ruihhlo do kawngzawh niin Vengsang biak in kawtah hemi pual inkhawm tawi neih a ni a, Pu Ngulzathuama, SDO (Sadar) chuan kawngzawh turte a vailiam a ni.

Serchhip ah chuan International Day against Drug Abuse & Illicit Trafficking pualin Serchhipah Two Wheeler Rally buatsaih a ni a. He rally hi Sailiamkawn atanga bul tannin SP Office tualah a tawpna buatsaih a ni a, he hunah hian SP Pu Gavit Gogna chuan department hrang hranga thawktuten he hun ngaipawimawha kawng zawhnaa an tel chu lawmthu a hrihl a. Kan ramah ruihhlo leh a kaihnawih avanga buaina a tam hle a, chhuan lo awm zel turte tan kan ram hi ruihhlo laka kan venhim a tul a tih thu a sawi a ni.

SP kaihhruai hian kalkhawmten ruihhlo do tura intiamna an sawi rual a. Chumi hnua intiamna hmung ziah runpui an nei chhunzawm a. Ruihhlo do ni hi Serchhip excise enforcement te pawhin, an office bula mi Govt.HSS ah an hmanpui bawk a ni

Lawngtlai ah chuan Lawngtlai Police ten Ruihhlo an mansa cheng vbc 2 nuai 29 hu a chhut tihchhiat a ni.

ND&PS Act hnuaia Lawngtlai Police ten Ruihhlo an man te hi Methamphetamine Kg. 17, Heroin Gram 42, leh Ganja Gram 80 hu a chhutte chu District Hospital, Lawngtlaia Bawlhhlawh tihralna ah tihchhiain paih a ni.

Khawzawlah chuan Khawzawl DC Office, NMBA leh NCORD Khawzawl District bultumin “International Day Against Drug Abuse and Illicit Trafficking” hun hman a ni a, He hun hi Khawzawl Khawpui chhunga H/S leh HSS zawng zawng bakah department hrang hrang hotute, NGO, VCP te leh Youth Icon 2024, Lalsangliana ten an hmanpui a ni.

Tukin khan he ni pual hian Hnahthial District ah kawngzawh huaihawt a ni a, Govt. High School leh Higher Secondary School zirlai naupangte nen an sikul kawt atanga Bazar Veng Field thleng kawng zawhin ruihhlo hman sual dona kawngah theih tawp chhuah turin inzirtima hun buatsaih a ni.

(CORR/PTCs)

<><><>

## LUNGLEI GMD

Lungleia Environment Forests & Climate Change Department chuan nikum Green Mizoram Day-a Hrangchalkawn leh Thualthu inkar NH-54 kawng dunga thingtiak phunte a nun dan leh a dinhmun an zir Chiang a.

Lungleia department leh pawl hrang hrang 54 te'n thing tiak 1,170 an phun zingah 687 – zaa 58.72 chauh a nung tawh tih an hmuchhuak a, a thi leh chhia thlak ngai 483 leh a hungna chhia siam that ngai 301 a awm tih an hmu chhuak bawk. Thing phun thi leh chhia a tam chhan hi kawng laihna leivung leh chirh tawlh vang te, kawng sir hungna siam hna thawh vang leh thal a rei vang te ni deuh ber in an hria tih an sawi a ni.

Dist Level Committee on Green Mizoram Day chuan thing phuntu department leh pawl hrang hrangte chu an thing phunna hmun sam fai bakah, a thi leh chhiate thlak nana thing tiak phun thar leh a hungna siam that hna te an remchan dan anga thawk turin a ngen a. DLCCGM thu chhuak bawhzui hian Lungleia department leh pawl hrang hrangte chuan tun lai hian Lunglawna EF&CC Check Gate-ah thing tiak leh a hungna hmanruate lain, an thing phun enkawl zui hna hi an thawk chho mek a, Lunglei District Information & Public Relations Office pawhin Hrangchawkawn leh Thaizawl inkar National Highway 54 kawngpui dunga mi chu vawiin khan a hmun sam faaiin, a nung lote thing tiak thara an thlak bakah, a hungna an siam tha tih kan corr chuan a sawi a ni.

Lungleia kan corr Thanhmingliana Renthlei sawi danin Lungleiah zirlai te leh mi thenkhat te pawhin thingphun an uar chho in a humhalh lam pawh an uar chho zel a, sorkar laipui scheme “Ek ped maa ke naam” hnuaiah Nu te pual a thingphun leh thingphun tum pawh thalai zingah te an awm chho mek a ni.

**Byte**

### **(Thanghmingliana Lunglei PTC)**

<><><>

### **AIR NEWS ON SOCIAL MEDIA**

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchintha hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchintha puan leh a ni ang.

<><><>

### **INDIA REFUSES SCO JOINT STATEMENT :**

Vawiina Sanghai Cooperation Organisation-a tel ram Defence Minister-te thutkhawm a an thurel chu Union Defence Minister Rajnath Singh chuan a pawm ve duh lo.

Puan tawh angin ni hnih awh tur Sanghai Cooperation organisation-a tel ram Defence Minister theuhte thutkhawm chu China-a Qingdao khawpuiah vawiin khan tan a ni a, he huna an thupui khel ber remna leh muanna vawnhim leh rawlral a chetna do chungchangah ram dang kan a firfiakte chetna do chungchang khel tel a nih loh avang leh an thuchhuah intawm siamah ziah tel a nih loh avangin Union Home Minister chuan a pawm ve loh thu a sawi a ni.

Union Home Minister chuan mahni ramri kan a a rawl ral a chetna chu SCO-a tel ramte tan a thil ngaimawh awm ber a nih thu sawiin India phei chuan kumina Pahalgam-a firfiakte chetna avangin hei hi a takin an tawn thu a sawi a, mahni ramri kan a a rawl ral a chetna chuan ralthuam leh ruihhlo tawlh thleng a a ken tel thu a sawi baw.

<><><>

### **CIVIL AVIATION :**

Kumin June ni 12-a Ahmedabad atanga London pan tur thlawhtheihna chetsual chhan chhui mek zelah thuneitute chuan a chhan chhang taka hriat theih tep a nih tawh thu an sawi.

Ministry of Civil Aviation thuchhuahin a tarlan danin Air India Flight AI-171 black box chu uluk tak leh fimkhur taka zirchian zel a ni a, thlawhtheihna black box-hi hawn zawh tep ni tawhin tunah hian Aircraft Investigation Bureau (AAIB) Laboratory New Delhi thlenpui a ni tawh a ni. Civil Aviation hotute chuan Air India Flight AI-171 Cockpit Voice recorder leh Flight Data recorder-te pawh an chhui zam tan tawh thu sawiin an thil chhuiah hma an sawn zel thu an sawi baw.

<><><>

### **CHINA DISASTER :**

China-a ruahsur nasa chuan Guizhou province-ah chhiatna nasa tak a thlen.

Ruahsur nasa hi China chhim thlang lama Ghuizhou province chuan an tuar nasa hle a, Ghuizhou province-ah hian tui lian pawh zual zelin mi parukin nunna an chan bakah mi sing riat chuang chu hmun him lama suan an ni tawh a ni.

(NewsOnAir)

<><><>